



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六〇一

思伯子堂詩集三十二卷 張際亮撰

一

張亨甫文集六卷 張際亮撰

三九九

西舍詩鈔十六卷 況澄撰

四八一

西舍文遺編四卷 況澄撰

七二九

思伯子堂詩集三十卷

張亨甫傳

張亨甫名際亮建甯人少孤繼母撫之父嘗賈鄞州伯兄繼業亨甫幼穎異里中老儒李古山才之其家乃使之讀未冠爲諸生與族兄紳光澤高祖望何長詔友善肄業福州龍峯書院同舍生多俗學亨甫視之蔑如也陳恭甫編修爲山長器之道光三年余至福州亨甫以詩來謁余曰何李之流也子才可及空同若去其蠹豪則大復矣明年沈鼎甫侍郎視學閩中試拔貢第一乙酉入京師朝考報罷京貴人及名士言詩者無不知亨甫矣新城陳石士侍郎延寓其家會賓谷巖使在京師

思伯子堂詩集傳

聞亨甫名召飲同坐皆知名士也曾以名輩顯宦縱意言論諸人贊服亨甫心薄之曾食瓜孖粘鬚一人起爲拈去亨甫大笑歎慙曾不懼而罷明日亨甫投書責曾不能教導後進徒以財利奔走寒士門下復不自知愛廉恥俱喪負天下望累數百言曾怒毀之於諸貴人亨甫以是負狂名慨當時諸公好士而無真識曾不如其好色也取一時名優爲之傳著論一篇曰金臺殘淚記筆力高古識者知亨甫所志遠矣都中交深者欽徐寶善龍溪鄭開禧宜黃黃爵滋益陽湯鵬山陽潘德輿唱和尤密六年余至京師從遊者久之亨甫旣爲朝貴所

忌試輒不利自是歷遊天下山川窮探奇勝所交名賢
幾遍以其窮愁慷慨牢落古今之意發爲詩歌益沈雄
悲壯至天才豔逸情致綿邈則其本色而亨甫之詩乃
大成矣十八年鄉試主闈試者途中約張際亮狂士不
可中而亨甫已易名亨輔中式拆卷見其名疑欲去之
副考申解而止及來謁果際亮也主試愕然會試復報
罷二十余年余在臺灣召之亨甫喜將渡海及廈門畏險
使人寫其貌題詩寄余而返聞鹿澤長爲甯紹台道往
依之至則甯波失守狼狽走江西將至山東不果遂過
桐城視余家訪方植之光律原馬元伯而至湖北葉方

忠伯子堂詩集

傳

二

伯敬昌厚禮之復之吳中聞余爲英夷謀遡江南奏勅
有閩人附和其言亨甫憤甚見某公面責之計余赴逮
必過吳中棲遲以待七月余過淮上乃從至京師先是
亨甫有妾蔣氏從在淮及赴余難留蔣於淮屬其友亨
甫方牀疾扶病從余止之不可自投方劑未已余事白
出獄亨甫大喜從余寓炸子橋楊椒山故宅中延人治
其病而所患已深矣京師諸公聞亨甫急余難義之過
余者必問亨甫而湯海秋及桂林朱濂甫琦柳州王少
鶴錫振道州何子貞紹基晉江陳頌南慶鏞高要蘇廣
堂廷魁閩陳弼夫景亮皆亨甫故人尤厚疾革日晨起

自訂詩彙屬余及濂甫執筆爲之去取其夕遂卒年四
十五余及諸君經理其喪一時讖與不讖爭致賻焉余
攜柩至桐城使人往閩召其子來以喪歸亨甫詩已刻
者裏光堂彙松寥山人集甫來錄未刻詩文尙多嘗語
余欲編爲全集卒後余收遺彙於行笥將成其志焉其
妾蔣氏在淮浦逾笄聞亨甫歿大慟誓死守或勸之嫁
乃削髮爲尼一小婢感焉亦從削髮河漕二帥及善亭
甫者咸重其才高其義又歎異蔣氏皆憐而資之一時
歌詠其事者甚眾

論曰自古名公卿無不愛才近世則延納才士以爲己
忠伯子堂詩集

傳

三

名士利其財亦爭趨焉鄙者則面諛承奉無所不至此
尙知有廉恥氣節哉亨甫力振頹風可爲矯矯矣乃受
其書者不愧謝而以爲恨時人復被以狂名使亨甫達
而在上風節必有可觀者竟不一第徒以詩名是可悲
也亨甫內行甚篤善事繼母生平好遊伯兄常資之縱
覽名勝伯叔厚視諸姪有加每言繼母伯兄未嘗不泣
然也里中前輩聞揚不遺餘力所交海內賢士老不遇
者尤推揚之不絕年長於己者禮之必恭少於己者正
言教誘懇至其敦篤如此嘗負大志余稱其有經世才
人未之信後見廬厚山林少穆二帥亦稱之然後知余

非私言也

思伯子堂詩集

傳

四

校正張亨甫遺集作詩誌哀

臨桂朱珣濂甫

昨者往哭松筠祠忍淚再讀松寥詩悄然風號萬竅悲
降婁肢骸無晶輝老鶴欲語聽者誰我昔遠遊類羈雌
長安逢君少壯時怒馬獨出黃金羈紅燈綠酒相娛嬉
墨瀋一斗翻淋漓朝吞千熊暮千黑忽逢拂袖遊霄溪
遠探禹穴尋會稽遂登黃樓望九疑猩猩叫煙鶴鴉啼
造化劇削愁肝脾南來跌蕩詩愈奇公卿名滿粉走趨
氣高寒隴頭不低欲止莫尼行莫追獨憶故人東海屋
澎湖高建十丈旗再戰再捷剿蛟螭咄哉小醜獨猖披
沿邊屯戍無完陣君時避兵走浙西戰場白骨厯險巇
思伯子堂詩集題辭
皇躬仰視哀蒸黎傳聞和戎餌島夷羣蜚刺天毀功碑
君方抱病吁且唏故人檻車膏相隨天門且喜翔金雞
朋舊往還暫軒眉茹鬼肆虐肺已萎侵晨視君坐牀幃
卷帙束筍一尺圍屬我編刻語溫咄咄者觸筆腕爲疲
存者加墨或領頤宿心已了遽蛻遺姚侯哭君淚更糜
爲營輻雲送之歸將蒐遺草付剞劂如此高誼所見希
案頭遺像何願頤二三小兒角粟碁黑白鬪戰荒是非
旁有美姝捧玉杯大醉出門坐荒陂想見哆口談
嗟予薄宦恆苦飢正直可羞變脂韋青天寥寥雁
他日有過誰子規

思伯子堂詩集目錄

卷一

古今體詩七十首

卷二

古今體詩八十三首

卷三

古今體詩八十七首

卷四

古今體詩六十七首

卷五

思伯子堂詩集目錄

古今體詩九十二首

卷六

古今體詩一百首

卷七

古今體詩七十九首

卷八

古今體詩一百一十一首

卷九

古今體詩五十七首

卷十

卷十一

古今體詩一百零九首

古今體詩一百二十七首

卷十二

古今體詩一百六首

卷十三

古今體詩六十八首

卷十四

古今體詩一百五首

卷十五

思伯子堂詩集目錄

古今體詩七十首

卷十六

古今體詩七十三首

卷十七

古今體詩八十八首

卷十八

古今體詩七十九首

卷十九

古今體詩九十八首

卷二十

古今體詩九十三首

卷二十一

古今體詩九十二首

卷二十二

古今體詩一百二十首

卷二十三

古今體詩一百十五首

卷二十四

古今體詩一百五首

卷二十五

思伯子堂詩集

目錄

三

古今體詩九十二首

卷二十六

古今體詩七十八首

卷二十七

古今體詩一百六首

卷二十八

古今體詩九十五首

卷二十九

古今體詩一百十八首

卷三十

古今體詩一百六首

卷三十一

古今體詩一百四十九首

卷三十二

古今體詩一百三首

右思伯子堂詩集三十二卷建甯張亨甫先生之

所著也先生以道光癸卯急先大夫之難歿於京

師疾革日自訂詩彙屬朱伯韓侍御琦執筆爲之

勾乙時已噤不能言以首俯仰示意而已既畢先

大夫藏於行笥將爲刊行屬多故未暇咸豐初粵

思伯子堂詩集

目錄

四

西亂起先大夫奉

詔赴軍留是編於家命滄

昌愼爲藏弄癸丑先大夫見背桐邑亦陷於賊滄

昌先世遺集及是彙皆以預藏山中得未焚燬嗣

是屢經喪亂轉徙烽煙間所往輒以自隨前歲丙

寅既重刊先集於安平將取斯編校梓以繼先大

夫未竟之志旋值入都未果今年重泄安福退食

之暇迺與友人鄭容甫福照詳加編校付之手民

計詩三千五十一首先生集已刻者十餘卷板片

悉燬於兵同治丁卯其門人李華峯雲詰求全本

不得乃哀集散彙刊於園中然多遺佚字句亦頗

有訛漏辛丑以後則全佚焉而原本獨藏余家
懷先友撫覽遺編亟爲流傳非濟昌之責耶集以
思伯子名者先生幼孤賴伯兄資之得力學有成
故名以志不忘也原稟嘉慶乙亥至道光甲申曰
松寥山人初集乙酉至戊子曰婁光堂稿己丑至
壬辰曰谷海前編癸巳曰豫粵游草甲午乙未亦
曰谷海前編丙申至庚子曰谷海二編辛丑壬寅
曰谷海後編今每卷前不復標題而附著於此原
本缺己丑歲作蓋先生入都時未攜入行笈茲取
李刻本補之又癸卯歲詩二十餘首原載別本亂
後佚去故今所編訖於壬寅凡彙中已刪去之什
不復刻入未刪者雖詩未工亦仍存之蓋當時去
取容有深意未敢以臆見廁乎其間也原稟無總
叙謹以先大夫所撰傳弁諸簡端朱侍御七言詩
一章叙刪訂詩稿事甚悉亦並錄焉先生子誦芬
依先大夫蜀中數年旋歸閩卒孫新魁幼遭賊脅
逃歸貧乏不能自存余聞遣人往建甯覓得之以
其孤幼廢學令習買冀或有成以延其祀嗚呼先
生負異才扶塲畢世賁志以沒子孫復式微若此
天所以厄之者亦云至矣獨遺詩迭經兵亂不至

思伯子堂詩集

目錄

五

思伯子堂詩集

目錄

六

埋沒灰燼卒使流傳人聞冥漠中若有呵護之者
殆所謂立言不朽其光燄之莫可磨滅實有以自
致耶削剗既竣爰書校刊歲月顛末於卷首以誌
弗謬云同治己巳中秋桐城姚濟昌謹識

思伯子堂詩集卷一

建甯張際亮亨甫

梅花乙亥

多時苦風雪不覺春已闌
半夜聞香起孤村隔水看疎
花湛清露皎月生空寒惆悵
未能別煙波方渺漫

清明前四日作

又看時節近清明獨上高臺
緩旅情人事半隨花事老
春愁多傍客愁生河邊樹斷
孤帆影關外雲歸暮角聲
更是不堪樽酒罷瀟瀟風雨
滿空城

留別家嚴山先生

思伯子堂詩集卷一

飛來鸚鵡鳥常伴美人歌
昨夜隴山去空閨愁思多
彈箏時歇撥織錦每停梭
揮手明朝別相看汝我何

客思

載得葡萄酒乘風江海遊
片帆吹萬里一笛泛中流
鴻雁復飛至瀟湘生早秋
扣舷歌水調客思滿滄洲

桃花

悵望江干浪不流武陵城外
舊維舟一時人去煙中路
二月春寒水上樓曉色欲
來高樹動薄痕初度夕陽留
年年花事君前好相見何
須怨白頭

落花

東風昨夜送春回滿目飛花
劇可哀最是美人新怨別
不堪孤客獨登臺綠肥波
面驚鷺老香盡枝頭蛺蝶來
今古繁華同一慨拚教沉醉
掌中杯

荏苒韶光付逝波一春節物
又空過無端冷落成烏有
如此飄零喚奈何紅粉睡殘
猶帶淚翠蛾妝罷不勝歌
看花自感銷魂事始信深宮
怨綺羅

聲聲紅豆夕陽天何處相思
不可憐客散鴉啼高閣外
病多人瘦晚風前思思舊恨
生芳草渺渺新愁接暝煙
借問江南歌舞地祇今誰識
杜樊川

客有道匡廬之勝者因作

思伯子堂詩集卷一

君家廬山下向我道廬山
一夜青天月香爐五老閒遙
思謫仙宅應掩遠公關
借問雲中鶴西飛何日還

登城

南浦孤舟去西風一夕生
離人看秋月獨上驛南城

雜詩

繁華安足慕徒供後人哀
浩浩楊子江六朝去不回
驅車遠行適息駕至蓬萊
相逢赤松子酌我黃金罍
惜哉愚不悟終古奄塵埃

皎月出東北清光寒高林
展我露中生理亦何益
雁去不息江漢長哀吟
方舟駕言適風波險阻
照昭昭

天上星鬱鬱傷我心

夜深不能寐攬衣出門行悲風從東來唧唧寒蛩鳴原野正蕭索蕭索使人驚安知天地心時序弗復榮落葉何紛紛去鳥何冥冥仰視鳥鵲飛翱翔何所營

洛陽城中子車馬去咸陽綺閣臨春風少婦曉彷徨弗言從此別樽酒勸郎嘗郎看洛陽水悠悠流故鄉

亡名氏山水畫障

眾峯隱見如神龍蕭蕭秋響來半空陰風吹日石勢墮但見槎枒倚壁之虬松崖頭老閣迴於鳥大筆橫披氣不小倪黃米范失清奇五指疑有蛟螭繞崿屹路轉橫思伯子堂詩集卷一

明月詞

十五明月圓十六明月蝕明月不常滿況是儂顏色前年寄郎衣今年望郎歸閨中芳草生蝴蝶空來飛章臺柳花好不憶閨中草郎是蝴蝶身蝴蝶歸來早望郎望江水江水長悠悠風波千萬頃何處是郎舟黯黯江上山江雲日夜還儂身作江月相見識郎顏

望迎墮觀

碧煙紅樹遠離離古寺秋殘向午炊莫上城頭望山色風光又是去年時

秋日懷廖三西田定庵

結廬桂花下花落空山秋倦臥齋中雨時登池上樓城高鴻雁杳江遠白雲愁故友今何處滄波日夜流

古意

妾家住橫塘生小蛾眉長十三學歌舞嬌音如鶯風含睇羞蛺蝶十四解梳妝常恐秋風至坐令減容光鄰笙昨夜吹知是行人歸免絲附喬木蓬麻相對垂嚴霜已思伯子堂詩集卷一

四
云暮元蟬號枯枝攬鏡一太息太息徒相思

送人之武昌

雁鴻飛下楚江秋江樹寒空見暮流一夜月明煙水闊故鄉何處莫回頭

武昌城內黃鶴樓崔顥題詩李白遊漢水千年流不盡行人又上木蘭舟

偶讀吳梅村集書後

貂裘大將入居庸鐵甲寒光照幾重遂使燕山先得鹿爭禁淮水不從龍烽煙疾首紅羊劫禾黍興歌玉輦蹤翠羽靈旗招不得蕭蕭暮雨打江楓

其二

名士由來末路難
白頭紅豆故人歎
江南無地容徐鉉
白下流風諒謝安
一代滄桑餘涕淚
四朝壇坫盡衙官
月明鐵馬秋山夜
醉眼摩挲不忍看

城上晚眺

蕭眉朔風來
殘陽散塵華
天末去鳥微
林隙孤煙起
暮靄連遠空
行舟寒色裏
星月滿江平
故鄉知何似

黃鵠歌

雙雙黃鵠止我庭
前庭前相思花開落
不計年記得行人
欲別時春風春草
訂歸期揚帆一去
夕陽盡萬里關

思伯子堂詩集

卷一

五

河孤雁飛朝復暮
登樓望江路紛紛
車馬下江船渺渺
愁心上江樹

思美人

秋蕭蕭兮無衣天蒼蒼兮雲飛
蘭桂代謝兮燕雁徘徊
黃河落影金風吹波濤過
鴈兮潛蛟螭美人兮歸來

秋柳

霜露淒涼落葉多
關門醉聽馬嘶過
一鞭殘照風吹鬢
昨夜河梁水復波
官渡秋光愁遠望
蘇臺暮雨怨清歌
慶奴憔悴重光老
臨別銷魂可奈何

遠離別

桑乾一河水長作兩邊
流落日關山遠
高風旅雁秋何當
辭故國此去有孤舟
數曲驪歌罷蕭蕭生暮愁

送客

晨起置樽酒
寒光生蒙衣
願彼雙飛鳥
眷眷常追隨
前夜聞秋風
昨夜聞秋雨
風雨滿長途
君今去何許
但聞落葉聲
不聞行人語

題旅店壁

十里關河五里煙
秋風作就薄寒天
碧山高閣客吹笛
紅樹小橋人喚船
記得去年曾送別
相看今日轉成憐
故園遙指應何處
點點飛鴉落葉邊

思伯子堂詩集

卷一

六

夜別

一笛起江天
秋風急放船
山高星在樹
水遠月生煙
城郭樓臺靜
村墟夜火圓
殷勤願樽酒
此別又經年

歲暮

北風吹不止
多病獨登臺
江上碧雲斷
紛紛塞雁來
寒城殘日淡
古驛亂山開
滿日蕭森意
因知歲暮催

抱病山中友人過訪復送別

歲晏蟪蛄鳴
閉門見落葉
冉冉白日徂
滔滔滄波接
種瓜思及春
種菜思多露
臥病思故人
故人來何暮
見君情已苦
別君心無主
千山落日深
一去生風雨

雪夜聞琴

江上晚彈琴，微茫寒雪深。月明孤鶴下，寂寂對高林。時有暗香動，遙知何處尋。滄波一千里，都作廣陵音。

春日再送友人之白門

丙子

更買江南一葉舟，東風昨夜長淮流。孤身白下逢寒食，細雨清明上驛樓。莫作楊花怨飄蕩，應知春色縮離愁。亭前餞別吾憐慣，半醉從教酒力遒。

計程此別又河津，去到他鄉極望頻。疎樹酒旗瓜步帆，夕陽魚市秣陵人。遙憐作客重逢客，況是傷春復送春。可憶樓頭少婦望，年年花落草如茵。

思伯子堂詩集

卷一

七

山居

殘陽不到處，家在數峯陰。瀑影過崖斷，花香當戶深。倦隨飛鳥入，行與好雲吟。聞道采芝客，春來何處尋。

題畫

布帆搖漾碧琉璃，曉市煙痕溼酒旗。一髮青山寒欲沒，西風吹雨過江時。

春日別西田

分手碧山頭，桃花與子愁。春風千萬樹，曉色上征裘。馬首官橋雨，江聲驛館樓。去來多少恨，綠水繞城流。

旅懷

東風吹恨到垂楊，一夜花開十日香。江上青山江口樹，登樓何處不思鄉。

過廢關

雜沓萬重山，風鳴匹馬還。兵戈餘廢堞，天地有雄關。嶮峻猿聲急，林深日色殷。年來愁梗道，冒險此登攀。

登城

菰蒲風色晚蕭蕭，碧水流春上柳條。誰與遠人管離思，滿城明月又吹簫。

臥雲老人歌爲何桐侶師七十作

生不識洞天三十六，但聞仙人高臥雲中屋。山深道遠

思伯子堂詩集

卷一

八

豺虎驕，卻掃丹霞枕。寒玉長空萬里蕩，碧波天風吹月。臨秋河，抱琴半醉時。嘯歌見者下拜爲咨嗟，門庭春暖。澹如水，窗外日高呼不起。耳畔時聞折竹聲，恍然夢落。飛泉裏，醺醺酒熟，麝欲開。瑤草綠上珊瑚杯，我家通元。典酣差解事，手持大爵瓊漿來。山中白雲那有盡千年，老鶴常飛迴。

閱晉史偶書

骨肉爭權怨毒儲，卿家此座復何如。空嗟太尉營三窟，不望將軍得一書。草沒銅駝兵劫盡，江沉鐵鎖戰功虛。石頭城外連京口，落日寒濤恨有餘。

遊鼓山

峻嶺何高曠天空見百蠻孤雲明海色落日滿秋山攬
秀林樹靜懷清水石閒上方鳴法鼓悵望鳥飛還

喝水巖

葉落香無路忽聞飛鳥聲夕陽開竹翠天水澹空明雲
靜石華秀湖寒秋氣清導師自心動虛喝壁泉鳴

望海亭

秋老水天昏層陰疊海門瘦蛟樓日去亂鳥壓雲屯島
嶼星千點檣帆葉一村七鯤吹鐵笛哀怨總難論

登男前峯

思伯子堂詩集

卷一

九

山勢南來此獨尊崢嶸高踞近天門千年風雨摩峯頂
滿地蛇龍走石根故國可堪紅葉暮舊碑半沒碧苔痕
玉壺金椀葡萄酒醉眼憑陵總莫論

野望

夕陽一千里風急亂飛鴉山抱城邊路江流鳥外霞乾
坤客作客歲月苦思家海上無來雁何因問釣槎

閩中感興

高城沙鳥逼秋天襟帶蒼蒨島嶼連霸國江山龍虎地
海邦日月漢唐年花袍野祭楊梅酒土舶官輸蛭蝶錢
險要由來兵餉重豈徒開府爲防邊

閩江之水不西流東下烏龍載海艘縱隸廈門屯汛策
要勞軍府帳帷籌怒潮血地寒旗鼓分野占星聚女牛
見說

昇平多氣象桃根桃葉共芳洲

三年調戍閱星霜去路誰知險莫當鹿耳秋高滄海嘯
雞籠雲起颶風狂窺人魍魎燃烽火終古鼉鼉傍戰場
幸喜

盛時無內外居然控制及遐荒

帝昶祠堂碧草堆八閩文學自公培江波今日臨淵意
風俗何人濟世才卻憶金牛盤浪去絕無白馬控秋來

思伯子堂詩集

卷一

十

尙聞兒女談神石海上雲陰黯不開

調李忠定公松風堂

今爲南臺天寧寺

坐見螺江水亂流汴梁鼓角逼南州可憐窮海孤臣在
回首中原二聖休謾設松風荒寺古蕭蕭花石故宮秋
暮年竄跡英雄恨盡在滄波落日頭

客夜

孤雁向空鳴風高月滿城樓臺燈火市鼓角暮江聲作
客一多故思家百感生關門楊柳樹搖落不勝情

勸浦感別

兩水夾城流秋光白浪頭川原盡落日魚鳥帶歸舟別

意龍津渺鄉心菊酒留東南此分秋爲汝重登樓

福州歸道泰宵謁李古山祥康丈人梅巖留飲

嶙峋怪石結藤蘿照眼斜陽駐馬過客路歸裝書卷重
文章知己老成多竹邊秋色濃於酒谿上雲容澹欲波
拚醉出門何日晤青衫白髮影婆娑

歸

松際忽瀉潺湲寒雲入故山瀑聲千石負秋色萬峯闌下
第眞時命高風滅鬢祇憐黃耳吠偏逐主人還

自題小影

梧桐葉落晚風寒秋水蘆花去住難記得斜陽樽酒罷

思伯子堂詩集

卷一

十一

自攜瘦影倚闌干

月夜聞笛

微雲歛斷峯夕嵐明飛鳥笛聲何處來惆悵山月曉

暮

萬壑夕陽通柴門暮色中倦遊餘老馬多病到秋風託
世孤生竹求知再爨桐稻梁南土盡飢雁晚忽忽

感懷

丈夫在世不稱意何不棄家爲遠遊卽如一身局促甚
安知萬古名姓留飄然鼓棹竟東去海風落帽雲當頭
泠泠赤足鼈背踏湛湛青眼天空流拍拱崖揖浮邱瓊

花壓酒色深碧金樽倒盡人間愁君不見上有
聖人聖天子下有賢相賢諸侯

晉宮

徒勞宣帝謀三國竟棄中原與五胡六載愍懷俱北狩
百年氏羯尙南驅出師泚水成孤注拜表涼州念故都
誰向新亭思戮力銅駝落日自榛蕪

宋宮

倡義人驚一世雄暮年收陝自奇功秦民久望江南旆
胡騎旋嘶渭上風卻擁如羅歸白下再難逐鹿入關中
六州休話元嘉事戰血春流漣水紅

思伯子堂詩集

卷一

主

齊宮

臨江兵馬北來驕縛袴無君罪不饒縱毀銀鎗誇小節
豈同玉導碎先朝鴛啼太極傳天語鬼唱西京起木妖
今日秋風禾黍地蓮花步步貼金銷

梁宮

三十蕭郎意氣豪鯨鯢手戮戢波濤金甌鞏固初無缺
寶塔莊嚴恨不高南斗竟徵天子走東堂忍問叛臣勞
可憐多少長干寺回首斜陽徧野蒿

陳宮

綺閣朝開翡翠窗掃眉學士按新腔春濃玉樹歌三疊

人醉珠簾影一雙狎客不知來日短老奴坐見望風降
憑將衣帶誇天塹烽火多時已過江

隋宮

遼海金河捲旆旌太原王氣任縱橫百年苦短揚州夢
一去長流汴水聲豈子渡江真有識美人對鏡已無情
白楊蕭瑟雷塘晚四十離宮月自明

客中對月

天上有明月地上有繁霜繁霜只在地明月斷人腸

開愁歌效長吉

天公驅日騎青山寒雲淡地長城關風吹白草鬼語出

思伯子堂詩集卷一

三

老秋風響推心顏芙蓉入腹素衣冷劒光一擊放孤影
我今十八壘塊多玉泉噴溢修金縷汲水壓酒蛟珠杯
舉手招得神龍來

思伯子堂詩集卷二

建甯張際亮亨甫

春柳丁丑

嫩寒過雨點迢迢城郭依稀認六朝陌上春痕紅粉淚
天雁風色白門潮一樽濁酒偏相滯二月垂絲奈不消
乳燕未成樓閣晚阿蠻何處著纖腰

條條刀尺費裁量絮語剛逢話短長有客他鄉作寒食
送人明日上河梁生憎綠水長無恙最是青年不易當
門巷桃花千萬樹搥鞭初聽馬嘶忙

手折愁痕尙宛然又吹新綠近江天周遭浦港初無樹

思伯子堂詩集卷二

一

平遠樓臺半入煙到眼風流都惜惜關心釵鈿動年年
斜陽夾岸春波滿墮馬紅衣過畫船
顛倒春風太有情惹人何必舊金城接來桃葉剛前渡
吹到萍蹤又一生淡淡春光多近水陰陰天氣正聞鶯
關山眼見團圓影爭似羌兒玉笛聲

送家兄來儀客任邱

故園初見歲華新班馬旋嘶古道塵一十九年僑寓地
數千餘里獨行人西山雲曉開晴翠上谷天寒失晚春
到日登臨休悵望尺書須附易河鱗

江上

細雨斜風客去落花芳草人閒一江春水殘日到處暮
雲亂山

春怨

桃花半面愁老楊柳十圍恨長莫聽北樓弄笛可憐南
浦斜陽

三月廿八日作

後山明日之詞武

手折垂楊柳明朝又送君春愁多近樹野水不分雲浩
蕩看行旅蒼涼易夕曛後時梅子熟孤館悵離羣

惆悵

薔薇落盡海棠空早見安榴一朵紅惆悵年年三月暮

思伯子堂詩集卷二

二

酒杯容易送東風

聞家兄自任邱將往陝右有作

蒨門春色五雲端千里方嗟駐馬看又去渡河尋大華
再來見日在長安倦遊歲月身將老漸遠關山信益難
頻向客中還作客故園兄弟愧漁竿

客樓秋感

九月部武作

目斷家山正感秋西風殘照又回頭烏鴉亂落天邊影
黃葉寒生水上樓送別遠經南浦路思歸難買一扁舟
不知誰按紅牙拍無數蘆花攪暮流

楚江圖送人之湖南

鴉散夕陽寒澹波暮渺漫西風兼葉落南指楚雲端送
汝瀟湘去空青影一團扁舟能見念還寄畫圖看

書板橋雜記

江南好景本無多兵火身經喚奈何卻似龜年飄泊後
酒闌紅豆一悲歌

開府頻飛告急章新箋燕子按歌忙白門桃葉青溪柳
不解春風有戰場

舊院通街接御溝秦淮無恙水長流烏衣去後春如許
贏得閒人上酒樓

惆悵霜笳閒洞簫白頭遺老話先朝孝陵牘有多情月

思伯子堂詩集卷二

三

夜夜流光照板橋

福州清明日作

戊寅

今年春事太恩恩昨夜花飛徧地紅誰插六街楊柳色
酒懷無限夕陽中

江樓

越王臺畔水清華獨立江樓數暮鴉落日帆檣千估舶
東風絲管幾人家客中春盡方思酒城外天寒不見花
積悶裁詩排未得濁醪真謁比鄰賒

憶熊湘臣

惜春愁坐酌流霞苦憶當年別路賒送我一程江上水